




Broj: 01,02-02-1-1510/16

Sarajevo, 15.7.2016.

Parlamentarna skupština BiH

Kolegij Predstavničkog doma

Ustavno-pravna komisija Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o izmjenama i dopunama Zakona o zaduživanju, dugu i garancijama s članom 105. Poslovnika Predstavničkog doma i Jedinственим pravilima za izradu pravnih propisa u institucijama Bosne i Hercegovine

Predsjedavajući Predstavničkog doma Parlamentarne skupštine BiH je aktom broj: 01,02-02-1-1510/16, od 14.7.2016., dostavio Zakonodavno-pravnom sektoru Prijedlog zakona o zaduživanju, dugu i garancijama na *ponovno mišljenje*.

I. Hronologija:

Vijeće ministara BiH je 20.5.2016. u parlamentarnu proceduru dostavilo *Prijedlog zakona o zaduživanju, dugu i garancijama* (u daljnjem tekstu: Prijedlog zakona), broj: 01,02-02-1-1510/16.

Kolegij Predstavničkog doma je, u skladu s članom 106. stav (1) Poslovnika Predstavničkog doma Parlamentarne skupštine BiH, dostavio Prijedlog zakona Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinственим pravilima za izradu pravnih propisa u institucijama Bosne i Hercegovine.

Zakonodavno-pravni sektor je 24.5.2016. dostavio Mišljenje, te utvrdio da Prijedlog zakona nije u potpunosti usklađen s članom 105. Poslovnika Predstavničkog doma i Jedinственим pravilima za izradu pravnih propisa u institucijama Bosne i Hercegovine. U skladu s članom 105. stav (6) Poslovnika Predstavničkog doma, Kolegij je od predlagača zatražio ispravljanje utvrđenih nedostataka u Prijedlogu zakona.

Predlagač je 13.7.2016. dostavio Prijedlog zakona o zaduživanju, dugu i garancijama, usklađen s Mišljenjem Zakonodavno-pravnog sektora.

II. Usklađenost s odredbama Poslovnika Predstavničkog doma Parlamentarne skupštine BiH

Prijedlog zakona, broj: 01,02-02-1-1510/16, od 13.7.2016., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma.

Tekst Prijedloga zakona podnesen je u pisanoj i elektronskoj formi, na jezicima i pismima u službenoj upotrebi u BiH, što je u skladu s članom 105. stav (1) Poslovnika Predstavničkog doma.

U skladu s članom 105. stav (3) Poslovnika Predstavničkog doma uz Prijedlog zakona dostavljeno je obrazloženje koje sadrži:

1. ustavni osnov,
2. razloge za donošenje zakona,
3. principe na kojima je zasnovan prijedlog zakona,
4. obrazloženje predloženih rješenja,
5. procjenu finansijskih sredstava,
6. mišljenja, odnosno opis konsultacija, dobivenih u procesu izrade zakona.

Uz Prijedlog zakona dostavljena su mišljenja: Ministarstva finansija i trezora BiH, Ureda za zakonodavstvo i Direkcije za evropske integracije.

U skladu s navedenim, Prijedlog zakona **usklađen** je s članom 105. stav (3) Poslovnika Predstavničkog doma.

U skladu s članom 105. stav (5) uz Prijedlog zakona dostavljene su odredbe Zakona koje se mijenjaju, odnosno dopunjavaju, te verzija prečišćenog teksta s ugrađenim odredbama iz Prijedloga zakona.

S obzirom na navedeno, Prijedlog zakona **usklađen** je s članom 105. Poslovnika Predstavničkog doma.

III. Usklađenost s Jedinstvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinstvenim pravilima za izradu pravnih propisa u institucijama Bosne i Hercegovine, te je **usklađen** s Jedinstvenim pravilima za izradu pravnih propisa u institucijama Bosne i Hercegovine.

Dostaviti:
1. naslovu

Rukovoditeljica
Zakonodavno-pravnog sektora
Mirjana Kutanjac

